

Te Mahere Haumitanga a Tainui

E kite ana tō whatumanawa i te moutere?

Te Ōwī me te Ōwā

Rere noa ana te reo ūkaipō i Tainui!

Ko Mōkau ki runga. Ko Tāmaki ki raro. Ko Mangatoatoa ki waenganui. Pare Hauraki, Pare Waikato, Te Kaokaoroa o Pātetere ki Te Nehenehenui.

Mā tātou hei whakatere te waka o te reo, ko ngā niao ko te mahi tahi me te manaakitanga.

Ko te taurapa, ko te Kiingitanga. Ko te tauihu, ko ngā uri whakatupu.

Ko ngā iwi ōna kaumoana. Ko ngā paemanu ngā māngai o ngā iwi o te rohe.

Tōia Tainui tapotu ki te moana. Mā wai te waka o te reo e tō? Mā tātou e tō!

Ngā Mātāpono

- Me noho mātāmua te reo;
- Ko te reo te kaiwhakakotahi i te iwi me ngā kaupapa e taea ana;
- Me hāngai ngā tono ki ngā mahere reo ā-iwi, ā-marae, ā-whānau, me ngana rānei ki te whakarite mahere reo;
- Me aro pū ngā tono ki Te Mātāuru ki Tainui, waiho ngā kaupapa karauna;
- Me hāngai te pūtea e tonohia ana ki ngā hua ka puta i te kaupapa.

Te Pae Huakai

Hei te tau 2040

- Ka ūkaipō te reo Tainui i ngā kāinga 60% o Mōkau, Tāmaki, Mangatoatoa, Pare Hauraki, Pare Waikato, Te Kaokaoroa o Pātetere, Te Nehenehenui.
- Ka rangona te rere o te reo ki mua i ngā marae 75% o Tainui;
- Ka rangona te tupu o te reo ki muri i ngā marae 50% o Tainui;
- Ka rangona te whanake o te reo i te rohe o Tainui.

Me pēwhea e tutuki ai ngā whāinga?

Hawaiki-iti – Tupu

- Ko te rīrā o te mahere reo me te tika o te hautūtanga;
- Ka whakatupuria te pū harakeke o te hapori me te urunga mai o te whānau;
- Ka akiaki tonu i ngā whānau hou, me ngā marae e ārahi haere ana i ā rātou kaupapa;
- Ka tautoko i ngā hōtaka akoranga e aro ana ki te whakangungu haere i te mātau o te ākonga;
- Ka tautoko i ngā mahi auaha;
- Me tautoko te pūtea tōkeke me ngā ara tohatoha;
- Me tautoko i te hunga kaitono kāore anō kia eke panuku.

Ko Te Kete Rukuruku – He Ora Roa

- Ka tautoko i ngā whakaihuwaka reo me ā rātou mahi, ā, haere ake nei;
- Kia arotakehia, kia whakawanakehia ngā mahere reo hou kia whai take;
- Kia waihanga tonutia ngā mahi ako reo;
- Kia whakatītinahia te tohatoha haere o ngā whakaaro e pā ana ki ngā mahi rautaki reo;
- Me tautoko te mahi ngātahi, kaua ki te tātā whāinga;
- Kia waihanga tonutia ngā ara whakaputa o te reo takere me ngā āheinga hou ki te whakakōrero i te reo;

Te Pae ki Uta – Ngā Hua

- Ka whakatupuria te kōrerotanga mai o te reo ki te kāinga, ki te marae me ngā hapori;
- Ka whakatupuria te kōrerotanga mai o te reo ki ngā wāhi ūkawa;
- Ka whakatupuria ake te kōrerotanga mai o te reo o Tainui; ngā kupu, ngā rerenga, ngā kōrero tuku iho, ngā whakapapa, ngā waiata, ngā karakia, ngā tongikura, me ngā pepeha;
- Ka whakatupuria te reo hou o Tainui/ ngā titonga hou a-iwi, ngā kupu hou, me ngā kōrero hou.

Te Mahere Haumitanga a Tainui

E kite ana tō whatumanawa i te moutere?

Ngā Kaupapa Matua

1. Takere - *Reo Kōrero*

- Kia Tainui te tuku o te reo ki te kāinga, ki te marae, ki te hapori me te taiiao.

2. Te Rā Kauawhi - *Whakatītina*

Ka whakatupuria te reo o Tainui me tōna māramatanga ki te kaupapa o te rautaki reo e akiaki ana i te pai o ngā waiaro.

- Ko te ngaronga atu o te reo me te whakawhanake haere i te tirohanga whānui.
- Kia whakatītina te reo o Tainui.

3. Riu - *Ako*

Ka pai ake te mātau haere o te reo, te māramatanga me te māia mā ngā hōtaka, ngā akoranga, ngā wānanga, me te whakawhanake haere i ngā rauemi.

Kāinga – Te reo o ia rā - Te reo tuku iho.

Marae – Whaikōrero, karanga, waiata, karakia, mihihi, kōrero tuku iho, tongikura, pepeha, whakapapa, tikanga.

Ngā Toi Ora – Kapa haka, puoro, raranga, whakairo, hākinakina, rongoā.

4. Te Paparewa – *Tuakiri*

He rangahau, he hopu, he whakawhanake, he whakatītina i ngā kōrero tuku iho me ngā reo ā-hapū, ā-iwi hoki o roto o Tainui.

5. Te Kei – *Ngā Whakaihuwaka Reo*

He rangahau, he hopu, he whakawhanake, he whakatītina i ngā kōrero tuku iho me ngā reo ā-hapū, ā-iwi hoki o roto o Tainui.

Me whakatupu, me tautoko hoki i ngā whakaihuwaka me ngā kaihautū ki te whakamahere me te mātirotiro hoki i ngā āhuatanga o te rautaki reo ki raurangi.

Ngā piki tūranga – Mā te Pou Reo, Ngā Paemanu, te Kāhui-ā-iwi hoki hei whakapūkenga te āpōpō.

Mahere whakamahinga reo - Ko ngā tūtohi reo, ko ngā rautaki mahere reo me ngā pūrongorongo.

6. Te Taurapa – *Kiingitanga*

Tēnei ka whakapūmautia ngā mātāpono o te Kiingitanga.